


# Alkitab Sagan Kakanakan

## Mengenal akan



Simson,  
Urang  
Kuat  
Tuhan



Panulis: Edward Hughes

Nang manggambar: Janie Forest  
Alastair Paterson

Nang manyusun: Lyn Doerksen

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.




Batahun-tahun lalu, di tanah Israel, badiam saurang lakian bagaran Manoah. Inya lawan bininya kada baisi anak. Pas ngintu malaikat Tuhan datang ka bini Manoah. "Ikam pacangan baisi saikung anak nang istimewa," inya baucap.




Inya baucap ka lakinya tantang barita nang hebat ngini. Manoah badua, "Uh Tuhanku ... tunti jua kami ka sini. Lawan mangajarakan kami apa nang harus kami ulah ka anak kami nang pacangan lahir ngintu."





Malaikat baucap ka Manoaah pada anak nang pacangan lahir ngintu kada bulih dicukur, kada bulih minum minuman karas, lawan kada bulih makan makanan nang diharamakan. Allah sudah mamilih inya hagan manjadi hakim. Inya harus mamimpin Israel.





Sabujurnya  
umat Tuhan  
mambutuhakan partolongan.  
Buhannya maninggalakan  
Tuhan, lawan imbah ngintu


buhannya diganggu ulih musuh-musuh buhannya,  
urang-urang Filistin. Tapi pas buhannya badua Tuhan  
mandangar. Inya mangirimakan bayi ngini nang  
pacangan manjadi manusia takuat di dunia.



"Lalu binian ngintu malahirakan saikung anak lakian lawan mambari ngaran Simson ka inya. Anak ngintu manjadi ganal lawan TUHAN mambarkati inya.

Hatinya mulai tagarak ulih Ruh TUHAN."

Simson manjadi kuat banar. Pas hari ngintu inya bakalahi lawan singa muda lawan tangannya lawan mambunuhnya!





Imbah ngintu, Simson mamakan madu matan panyangat nang basarang di karangka singa. Inya maulah tatungguhan: "Matan nang makan kaluar makanan, matan nang kuat kaluar manisan."








Kada ada  
saurangpun  
nang kawa


manangguhnya tapi bini hanyar  
Simson, Saurang Filistin, baucap  
ka kawan-kawannya. Ngini maulah  
Simson sarik banar. Simson manjadi  
labih sarik lagi pas urang Filistin ngintu  
mambari bininya ka kawan baiknya.



Inya barancana mambalas dandam. Tapi kayaapa caranya? Partama, Simson mangakap 300 duyu hutan. Imbah ngintu inya manjarat buntut buhannya basamaan, dua-dua, lawan maandak ubur antara buhannya.




Imbah ngintu Simson malapas anjing-anjing hutan  
ngintu ka pahumaan gandung ampun urang Filistin!



Wahini urang Filistin handak mambalas dandam. Simson mambiarakan inya ditangkap, Imbah ngintu inya diikat lawan dibari hagan dibunuh ulih urang Filistin.



Tapi Ruh Tuhan bakuasa atas  
Simson. Inya mamagati  
talinya, maambil rahang  
kaladai nang masih hanyar,  
lawan mambunuh 1000 musuh.




Kalompok urang Filistin macari Simson. Pas malam ngintu, buhannya manjabak inya ka dalam kuta lawan mangunci pagarnya. Tapi Simson bajalan kaluar mamanggul pagar kuta ngintu ka bahunya!



Tapi Simson gagal manaati Tuhan. Tuhan mambariakan kakuatan ka inya salama inya taat. Pas ngintu, Simson bakisah rahasia kakuatannya ka Delila, saikung binian bungas mata-mata urang Filistin. Delila maminta saurang mancukur rambut Simson pas inya guring.




Lalu tantara Filistin  
manjarang Simson di  
kamar Delila. Simson  
bajuang karas - tapi  
kakuatannya sudah  
hilang. Musuhnya  
mancungkil matanya.





Dalam kaadaan buta  
lawan lamah, Simson  
manjadi budak urang  
Filistin. Buhannya  
manawaakan lawan  
mamparmainkan  
palayan Tuhan ngintu.




Urang Filistin maulah pista. Buhannya mamuji dewa iwak buhannya, Dagon, nang sudah mambariakan Simson ka dalam tangan buhannya. Buhannya minum lawan arai banar dalam kimah Dagon. Imbah ngintu buhannya mahiau Simson hagan manghibur buhannya.




Saurang anak lakian mambawa Simson,  
lawan mambiarakan inya basandar la tawing nang  
manyangga gedung ngintu. Di dalam gedung ngintu

ada 3000  
urang Filistin  
di hatap  
gedung lawan  
labih banyak  
lagi nang ada  
di dalam  
gedung, ...




... buhannya sabarataan manawaakan inya. Tapi rambut Simson sudah mulai tumbuh selama inya di panjara. Wahini inya badua, "Ya Tuhan, ulahlah aku

kuat sakali ngini haja, ya Allah, supaya lawan sabuting pambalasan jua kubalasakan kadua mataku."



Pacangankah Tuhan mambariakan kakuatan lagi ka Simson? Kawakah Simson malakuakan hal nang mustahil? YA! YA! Simson manunjul tawing nang barat lawan kuat ngintu sakuat tanaga. Gedung Dagon bagarak rubuh, mambunuh ribuan urang Filistin lawan jua Simson saurang!



# Simson, Urang Kuat Tuhan

Sabuting kisah matan Firman Tuhan, Alkitab

Taulih dalam

Hakim-hakim 13-16

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

